

Ofcom

making communications work
for everyone

Gweithdrefnau ar gyfer ystyried
sancsiynau statudol mewn
achosion o dorri amodau
trwyddedau darlledu

Publication date:

3 April 2017

Gweithdrefnau ar gyfer ystyried sancsiynau statudol mewn achosion o dorri amodau trwyddedau darlledu

Cyflwyniad

- 1.1 Mae'r ddogfen hon yn amlinellu'r Gweithdrefnau y bydd Ofcom fel rheol yn eu dilyn wrth ystyried penderfynu ar sancsiwn yn erbyn darlledwyr¹ am dorri unrhyw un o ofynion eu trwydded (ac eithrio torri amodau sy'n ymwneud â chystadleuaeth mewn trwyddedau Deddf Darlledu)²; neu yn achos S4C³, nad oes ganddynt drwydded, unrhyw ofyniad gorfodadwy perthnasol (gweler paragraff 1.11 isod). Yn y ddogfen hon, cyfeirir at yr holl ofynion hyn fel "gofyniad perthnasol". Daw'r Gweithdrefnau hyn i rym ar 3 Ebrill 2017.
- 1.2 Nid yw'r gweithdrefnau hyn yn berthnasol i Wasanaethau Darlledu Cyhoeddus y BBC yn y DU na Gwasanaethau Rhaglenni Ar-awlad Cyhoeddus y BBC yn y DU⁴. Mae gweithdrefnau sancsiynau eraill yn berthnasol i'r gwasanaethau hyn: https://www.ofcom.org.uk/data/assets/pdf_file/0030/99417/procedures-bbc.pdf Mae'r gweithdrefnau hyn yn berthnasol i gwmnïau darlledu masnachol y BBC sy'n cael eu trwyddedu gan Ofcom.
- 1.3 Os bydd Ofcom yn credu ei bod yn angenrheidiol gwyro oddi wrth y Gweithdrefnau hyn mewn unrhyw ffordd o sylwedd mewn achos penodol am resymau sy'n ymwneud â thegwch a/neu er mwyn i Ofcom benderfynu ar sancsiwn yn briodol, bydd yn ysgrifennu at y darlledwr dan sylw ymlaen llaw yn nodi natur a graddfa ei wriad oddi wrthynt a'i resymau dros wneud hynny.

Fframwaith statudol

- 1.4 Mae dyletswyddau Ofcom mewn perthynas â darlledu yn cynnwys sicrhau, yn achos pob gwasanaeth teledu a radio, bod safonau ar waith sy'n darparu digon o amddiffyniad:
 - i aelodau'r cyhoedd rhag deunyddiau sy'n achosi tramgwydd neu niwed: adran 3(2)(e) o Ddeddf Cyfathrebiadau 2003 ("Deddf 2003"); ac
 - i aelodau'r cyhoedd a phob unigolyn arall rhag cael eu trin yn annheg mewn rhaglenni a fydd wedi'u cynnwys mewn gwasanaethau o'r fath a rhag tarfu

¹ Fel mae'r cyd-destun yn mynnu, mae cyfeiriadau dilynol yn y Gweithdrefnau hyn at "ddarlledwyr" yn cynnwys unrhyw ddarlledwr sy'n cael ei drwyddedu a/neu ei reoleiddio gan Ofcom, ac eithrio Gwasanaethau Darlledu Cyhoeddus y BBC yn y DU sy'n rhwym wrth weithdrefnau ar wahân.

² Bydd ymchwiliadau i achosion o dorri amodau sy'n ymwneud â chystadleuaeth mewn trwyddedau Deddf Darlledu, fel amodau a roddir o dan adran 316 o Ddeddf Cyfathrebiadau 2003 at ddibenion sicrhau cystadleuaeth deg ac effeithiol, yn cael eu trin yn unol â *Gweithdrefnau Ofcom ar gyfer ymchwilio i achosion o dorri amodau sy'n ymwneud â chystadleuaeth mewn trwyddedau Deddf Darlledu*, sydd hefyd yn datgan y broses y bydd Ofcom fel rheol yn ei dilyn wrth ystyried rhoi sancsiwn statudol yn erbyn darlledwyr am dorri gofynion eu trwydded sy'n ymwneud â chystadleuaeth.

³ Mae Awdurdod S4C yn gweithredu ei wasanaeth teledu dan yr enw "S4C".

⁴ Fel BBC iPlayer ac iPlayer Kids (rhaglenni clyweledol a sain).

ar breifatrwydd yn ddiangen sy'n deillio o weithgareddau a wneir at ddibenion gwasanaethau o'r fath: adran 3(2)(f) o Ddeddf 2003.

- 1.5 Drwy rinwedd adran 3(4)(g) o Ddeddf 2003, rhaid i Ofcom ystyried yr angen i sicrhau bod y safonau hynny yn cael eu defnyddio yn y ffordd orau sy'n gwarantu lefel briodol o ryddid mynegiant.
- 1.6 Mae dyletswyddau cyffredinol Ofcom hefyd yn cynnwys sicrhau bod ystod eang o wasanaethau teledu a radio ar gael ledled y Deyrnas Unedig sydd (wrth eu hystyried gyda'i gilydd) o ansawdd uchel ac yn apelio at amrywiaeth o chwaethau a diddordebau: adran 3(2)(c) o Ddeddf 2003.
- 1.7 Yn fwy penodol, mae gan Ofcom ddyletswydd dan adran 319 o Ddeddf 2003 i osod safonau o'r fath ar gyfer cynnwys rhaglenni sydd i'w gynnwys mewn gwasanaethau teledu a radio fel sy'n ymddangos i Ofcom fel y rhai gorau i sicrhau "amcanion safonau" penodol. Mae'r amcanion safonau hynny ar gael yn adran 319(2), ac mae'n rhaid i Ofcom sefydlu codau sy'n cynnwys y safonau hyn. Er mwyn cyflawni'r ddyletswydd honno, mae Ofcom yn defnyddio darpariaethau Cod Darlledu Ofcom ("y Cod Darlledu")⁵, y Cod Trawshyrwyddo⁶, y Cod ar Atal Gwahaniaethu Gormodol rhwng Hysbysebwr⁷, y Cod ar Amserlennu Hysbysebion Teledu (COSTA)⁸ a, phan fo'n briodol, Cod Darllediadau Hysbysebu y DU (Cod BCAP) yn <http://www.cap.org.uk/The-Codes/BCAP-Code.aspx>⁹.
- 1.8 Yn yr un modd, mae gan Ofcom ddyletswydd benodol dan adran 107 o Ddeddf Darlledu 1996 (fel y'i diwygiwyd)¹⁰ ("Deddf 1996") i lunio cod sy'n rhoi cyfarwyddyd ynghylch yr egwyddorion a'r arferion sydd i'w dilyn gan ddarlledwyr yng nghyswllt osgoi triniaeth annheg neu anghyfiawn¹¹ mewn rhaglenni a tharfu ar breifatrwydd yn ddiangen mewn rhaglenni (neu mewn cysylltiad â chael deunyddiau sydd yn y rhaglenni). Er mwyn cyflawni'r ddyletswydd honno, bydd Ofcom yn defnyddio Adrannau Saith ("Tegwch") ac Wyth ("Preifatrwydd") y Cod Darlledu.
- 1.9 Mae gan Ofcom ddyletswyddau mwy penodol¹² hefyd mewn perthynas â darparu is-deitlo, arwyddo a disgrifiadau sain¹³, er enghraifft. Yn yr un modd, mewn perthynas â sicrhau bod cymeriad gwasanaeth radio darlledu wedi'i drwyddedu, fel y cynigir gan y sawl sy'n dal y drwydded wrth wneud ei gais, yn cael ei gynnal drwy gydol y cyfnod mae'r drwydded mewn grym¹⁴.

⁵ Edrychwch ar <http://stakeholders.ofcom.org.uk/broadcasting/broadcast-codes/broadcast-code/>.

⁶ Edrychwch ar <http://stakeholders.ofcom.org.uk/broadcasting/broadcast-codes/broadcast-code/cross-promotion/>.

⁷ Edrychwch ar <http://stakeholders.ofcom.org.uk/broadcasting/broadcast-codes/broadcast-code/undue-discrimination/>.

⁸ Edrychwch ar <http://stakeholders.ofcom.org.uk/binaries/broadcast/other-codes/tacode.pdf>.

⁹ Ar ben hynny, mae adran 325 o Ddeddf 2003 yn mynnu ei bod rhaid i Ofcom sefydlu gweithdrefnau ar gyfer trin a datrys cwynion sy'n ymwneud â dilyn safonau dan adran 319. Mae hefyd yn mynnu bod darlledwyr eu hunain (yn ogystal ag Ofcom) yn sefydlu eu gweithdrefnau eu hunain ar gyfer trin a datrys cwynion o'r fath.

¹⁰ Cafodd Deddf Darlledu 1996 ei diwygio gan Ddeddf 2003.

¹¹ Caiff triniaeth anghyfiawn neu annheg ei diffinio gan adran 130 o Ddeddf 1996 fel triniaeth sy'n anghyfiawn neu'n annheg oherwydd y ffordd cafodd deunyddiau mewn rhaglen eu dewis neu eu trefnu.

¹² Mae'r canlynol yn enghreifftiau, nid yn rhestr gynhwysfawr o ddyletswyddau penodol Ofcom.

¹³ A ddaw o adrannau 303 – 307 o Ddeddf 2003.

¹⁴ Adran 106(1) o Ddeddf 1990.

1.10 Yn ogystal â drwy ddefnyddio'r Codau y cyfeirir atynt uchod, mae Ofcom yn cyflawni ei ddyletswyddau:

- drwy roi trwyddedau darlledu dan Ddeddf Darlledu 1990 (“Deddf 1990”) a Deddf 1996; a
- drwy gynnwys yn y trwyddedau hynny amodau sy'n ofynnol dan statud neu y mae'n meddwl sy'n briodol i'w helpu i gyflawni'r dyletswyddau hynny.

Mae'r amodau hyn yn cynnwys y rheini sy'n mynnu bod darlledwyr yn cadw at ddarpariaethau'r Codau a ddisgrifir uchod wrth ddarparu eu gwasanaethau ac mewn perthynas â rhaglenni sydd wedi'u cynnwys yn eu gwasanaethau. Maent hefyd yn cynnwys, er enghraifft, amodau sy'n gorfodi'r gofynion ar ddarlledwyr: i ddarparu gwybodaeth i Ofcom, cynnig rhaglenni a mathau o gynnwys penodol, a chydymffurfio â'r amrywiol godau eraill a gyhoeddir gan Ofcom.

1.11 Mae Adrannau 203 a 338 o, ac Atodlen 12 (paragraff 12 yn benodol) i, Ddeddf 2003 yn darparu ei bod yn rhaid i Awdurdod S4C gydymffurfio â'r Codau perthnasol. Yn achos Awdurdod S4C, nad oes ganddo drwydded Ofcom, mae'r Codau hyn yn “ofynion gorfodadwy perthnasol”.

1.12 Os torrir amod trwydded a gyhoeddwyd o dan Ddeddf 1990 neu Ddeddf 1996 (gan gynnwys peidio â chydymffurfio â Chod perthnasol), mae gan Ofcom y pŵer i roi sancsiynau statudol (“sancsiwn”) ar y darlledwr perthnasol o dan ddarpariaethau sydd yn y Deddfau hynny (neu Ddeddf 2003 mewn rhai achosion)¹⁵. Mae pwerau Ofcom i roi sancsiynau am dorri gofyniad gorfodadwy perthnasol ar S4C yn adran 341, ac Atodlen 12 Deddf 2003.

1.13 Mae rhoi sancsiwn yn erbyn darlledwr yn fater difrifol. Ar ôl dilyn y broses briodol, caiff Ofcom roi sancsiwn os yw'n ystyried bod darlledwr wedi torri gofyniad perthnasol yn ddifrifol, yn fwriadol, yn rheolaidd¹⁶ neu'n fyrbwyll.

1.14 Mae'r sancsiynau sydd ar gael i Ofcom yn cynnwys penderfyniad¹⁷:

- i gyhoeddi cyfarwyddyd¹⁸ i beidio ag ailddangos rhaglen neu hysbyseb;
- i gyhoeddi cyfarwyddyd i ddarlledu cywiriad neu ddatganiad am ganfyddiadau Ofcom, y gellid gofyn iddo fod ar ffurf benodol, ac i'w cynnwys mewn rhaglenni ac ar adegau y bydd Ofcom yn penderfynu arnynt¹⁹;
- i roi cosb ariannol²⁰;

¹⁵ Bydd yr union ddarpariaeth sy'n rhoi'r grym i Ofcom roi sancsiynau am dorri amodau trwydded yn dibynnu ar y math o drwydded dan sylw (gweler paragraff 1.14 a'r troednodiadau cysylltiedig i gael enghreifftiau).

¹⁶ Byddai torri gofyniad perthnasol droeon yn cynnwys, er enghraifft: ailadrodd torri'r un gofyniad ag sydd eisoes wedi'i gofnodi; ailadrodd yr un ymddygiad neu ymddygiad tebyg a oedd wedi mynd yn groes i ofyniad yn gynharach; neu dorri gofynion eraill droeon.

¹⁷ Nid yw'r rhain yn cynnwys y sancsiynau gall Ofcom eu rhoi ar Wasanaethau Cyhoeddus y BBC yn y DU o dan y Siarter a'r Cytundeb.

¹⁸ Dan, er enghraifft, adran 40(1) o Ddeddf 1990, ac adran 236(6) o Ddeddf 2003.

¹⁹ Dan, er enghraifft, adrannau 40(1) a 109(3) o Ddeddf 1990, adran 236(2) o Ddeddf 2003, a pharagraff 15 o Atodlen 12 i Ddeddf 2003 yn achos S4C.

²⁰ Dan, er enghraifft, adrannau 41(1) a 110(1) o Ddeddf 1990, ac adran 341(2) o Ddeddf 2003 yn achos S4C.

- i fyrhau²¹ neu atal trwydded²² (dim ond yn berthnasol mewn achosion penodol); a/neu²³
- i ddirymu trwydded (ddim yn berthnasol i S4C na Channel 4).²⁴ Bulletin - demand²⁵ a/neu yn yr adran trwyddedu darlledu berthnasol ar y wefan. Fel rheol bydd Ofcom yn cyhoeddi gwybodaeth yn ei fweletin Broadcast and On-demand.

Cosb ariannol

Yn y rhan fwyaf o achosion y gosb ariannol fwyaf ar gyfer y rheini sy'n dal trwydded teledu neu radio fasnachol yw £250,000 neu 5% o 'Refeniw Cymwys' y darlledwr, pa un bynnag sydd fwyaf.

Ar gyfer Darlledwyr Gwasanaeth Cyhoeddus trwyddedig, y gosb ariannol fwyaf sy'n daladwy yw 5% o'r 'Refeniw Cymwys'.

Ar gyfer S4C, y gosb ariannol fwyaf sy'n daladwy yw £250,000.

Penderfyniadau o dan y Gweithdrefnau hyn

- 1.15 Wrth ystyried achosion o sancsiynau o dan y Gweithdrefnau hyn sy'n ymwneud â thorri gofyniad perthnasol sy'n ymwneud â chynnwys rhaglen²⁶, bydd penderfyniadau am sancsiynau yn cael eu gwneud gan ddau uwch aelod o Bwyllgor Gwaith Ofcom y mae Bwrdd Ofcom wedi dirprwyo awdurdod priodol iddynt (gydag un ohonynt yn gwneud y penderfyniad terfynol ar y tor-amod), ynghyd ag Aelod Anweithredol o Fwrdd Cynnwys Ofcom.
- 1.16 Ym mhob achos sancsiynau arall o dan y Gweithdrefnau hyn sy'n ymwneud â thorri gofyniad perthnasol²⁷, bydd penderfyniadau ar sancsiynau'n cael eu gwneud gan un neu ddau (bydd yn dibynnu ar natur y tor-amod) uwch aelod o Fwrdd Gwaith Ofcom sydd ag awdurdod priodol wedi'i ddirprwyo gan y Bwrdd (un o'r rhain fydd yn gwneud y penderfyniad terfynol ynghylch y tor-amod). Yn eithriadol mewn achosion o'r fath, pan fydd Ofcom yn credu ei bod yn angenrheidiol am resymau sy'n ymwneud â thegwch a/neu er mwyn i Ofcom benderfynu'n iawn ar sancsiwn, bydd aelod

²¹ Dan, er enghraifft, adrannau 41(1) a 110(1) o Ddeddf 1990.

²² Dan, er enghraifft, adran 110(1) o Ddeddf 1990.

²³ Mewn rhai achosion gall Ofcom roi mwy nag un sancsiwn.

²⁴ Dan, er enghraifft, adrannau 42 a 111 o Ddeddf 1990 a 238 o Ddeddf 2003.

²⁶ Caiff ymchwiliadau yn yr achosion hyn eu trin yn unol â *Gweithdrefnau Ofcom ar gyfer ymchwilio i achosion o dorri safonau cynnwys ar gyfer teledu a radio* mewn perthynas â chydymffurfio â'r safonau cynnwys sydd wedi'u nodi o dan adran 319 o Ddeddf Cyfathrebiadau 2003: ac yn unol â *Gweithdrefnau Ofcom ar gyfer ystyried a dyfarnu ynghylch cwynion Tegwch a Phreifatrwydd* mewn perthynas â chydymffurfio â "chod tegwch" Ofcom o dan adran 107 o Ddeddf Darlledu 1996.

²⁶ Caiff ymchwiliadau yn yr achosion hyn eu trin yn unol â *Gweithdrefnau Ofcom ar gyfer ymchwilio i achosion o dorri safonau cynnwys ar gyfer teledu a radio* mewn perthynas â chydymffurfio â'r safonau cynnwys sydd wedi'u nodi o dan adran 319 o Ddeddf Cyfathrebiadau 2003: ac yn unol â *Gweithdrefnau Ofcom ar gyfer ystyried a dyfarnu ynghylch cwynion Tegwch a Phreifatrwydd* mewn perthynas â chydymffurfio â "chod tegwch" Ofcom o dan adran 107 o Ddeddf Darlledu 1996.

²⁷ Bydd ymchwiliadau i'r achosion hyn yn cael eu trin yn unol â *Gweithdrefnau cyffredinol Ofcom ar gyfer ymchwilio i achosion o dorri amodau trwyddedau darlledu*.

Anweithredol o Fwrdd Cynnwys Ofcom yn penderfynu ar sancsiwn ynghyd â Swyddogion Gweithredol Ofcom.

- 1.17 Mewn achos sy'n ymwneud â sancsiwn, ni fydd y rheini sy'n penderfynu wedi bod yn rhan o'r ymchwiliad i dorri'r gofyniad perthnasol, hyd at a gan gynnwys y cyfnod o baratoi'r Safbwynt Rhagarweiniol ynghylch yr achos.
- 1.18 Fel y nodwyd ym mharagraff 1.1 uchod, nid yw'r Gweithdrefnau hyn yn berthnasol i benderfynu ar sancsiwn yn erbyn darlledwyr am dorri gofynion sy'n ymwneud â chystadleuaeth yn eu trwydded: yn yr achosion hynny, bydd Ofcom yn ystyried rhoi sancsiwn statudol yn unol â'r broses a nodwyd yn ein Gweithdrefnau ar gyfer ymchwilio i achosion o dorri amodau sy'n ymwneud â chystadleuaeth mewn trwyddedau Deddf Darlledu²⁸.
- 1.19 Ym mhob achos, pan fydd Ofcom yn ysgrifennu at y darlledwr yn unol â pharagraff 1.22 isod, bydd yn nodi'r rheini a fydd yn gwneud y penderfyniadau.

Gweithdrefnau

Ystyried sancsiynau

- 1.20 Mae ystyried sancsiwn yn dilyn penderfyniad gan Ofcom bod darlledwr wedi torri gofyniad perthnasol²⁹. Fel rheol bydd achos yn cael ei ystyried ar gyfer rhoi sancsiwn pan fydd Ofcom yn credu bod y darlledwr wedi torri gofyniad perthnasol yn ddifrifol, yn fwriadol, droeon neu'n ddi-hid.
- 1.21 Bydd Ofcom yn ceisio cwblhau ystyried rhoi sancsiwn cyn pen 60 diwrnod gwaith o'r dyddiad y bydd Ofcom yn cofnodi bod y gofyniad/gofynion perthnasol wedi cael eu torri. Serch hynny, gall amgylchiadau achosion unigol amrywio'n sylweddol ac efallai bydd hi'n cymryd mwy o amser mewn ambell achos.
- 1.22 Os bydd Ofcom yn credu bod sancsiwn yn briodol, bydd yn ysgrifennu at y darlledwr gyda'r wybodaeth ganlynol fel sy'n briodol:
 - manylion ynghylch y torri amodau;
 - sylwadau ar unrhyw fater a godwyd gan y darlledwr sy'n bwysig i'r achos;
 - manylion unrhyw achosion perthnasol y mae Ofcom eisoes wedi dyfarnu yn eu cylch;
 - manylion hanes cydymffurfio diweddar y darlledwr;
 - manylion Safbwynt Rhagarweiniol Ofcom y gallai sancsiwn fod yn briodol;

²⁸ <https://www.ofcom.org.uk/cy/tv-radio-and-on-demand/broadcast-standards/procedures/?language=cy>

²⁹ Dan delerau ei Femorandwm Cyd-ddealltwriaeth gydag Ofcom, caiff yr Awdurdod Safonau Hysbysebu wneud cais i Ofcom ystyried sancsiwn statudol mewn achos yn ymwneud â hysbyseb. Mewn achosion o'r fath, fel rheol, bydd yr Awdurdod Safonau Hysbysebu wedi cyhoeddi bod ei god wedi cael ei dorri.

- manylion Safbwynt Rhagarweiniol Ofcom ynghylch y math o sanctsiwn a lefel unrhyw sanctsiwn yr ystyrir ei fod yn briodol ac yn gymesur;
- crynodeb o'r deunyddiau y mae wedi dibynnu arnynt i gyrraedd ei safbwynt rhagarweiniol;
- bydd y dogfennau perthnasol³⁰ mae Ofcom wedi'u hystyried hefyd yn cael eu darparu.

1.23 Ar y cam hwn, os mai Safbwynt Rhagarweiniol Ofcom yw y dylai'r sanctsiwn priodol gynnwys cosb ariannol bydd, fel sy'n briodol, yn ystyried y gosb yn unol â'r Canllawiau Cosbau a gyhoeddwyd gan Ofcom yn <http://www.ofcom.org.uk/about/policies-and-guidelines/penalty-guidelines/>.

Sylwadau ysgrifenedig

1.24 Bydd y darlledwr yn cael cyfle i gyflwyno sylwadau ysgrifenedig ar Safbwynt Rhagarweiniol Ofcom y gallai sanctsiwn fod yn briodol ac ar lefel a math unrhyw sanctsiwn sy'n cael ei ystyried. Fel rheol 15 diwrnod fydd y cyfnod ar gyfer sylwadau ysgrifenedig, oni nodir fel arall. Mewn rhai amgylchiadau, gall Ofcom, os yw'n credu ei fod yn briodol, ofyn am ragor o wybodaeth neu sylwadau gan y darlledwr.

Sylwadau llafar

1.25 Ar ben hynny, bydd Ofcom yn rhoi'r cyfle i'r darlledwr ddod i wrandawriad llafar i gyflwyno sylwadau llafar ar y materion y cyfeirir atynt yn Safbwynt Rhagarweiniol Ofcom. Fel rheol, bydd Ofcom yn rhoi i'r darlledwr o leiaf 15 diwrnod gwaith o rybudd o'r dyddiad ar gyfer gwneud y sylwadau hynny. Cynhelir y gwrandawriad yn breifat a gellir ei gynnal yng Nghymru, Lloegr, Gogledd Iwerddon neu'r Alban fel sy'n briodol. Bydd y gwrandawriad yn cael ei drawsgrifio a bydd y trawsgrifiad yn cael ei roi i'r darlledwr. Caiff y darlledwr ddod â chynghorwyr cyfreithiol i'r gwrandawriad llafar er mwyn ei helpu i gyflwyno ei sylwadau llafar, er mae Ofcom yn cael gofyn i'r darlledwr gyfyngu ar nifer y bobl a ddaw i'r gwrandawriad llafar ar ei ran i nifer rhesymol.

1.26 Bydd y weithdrefn ar gyfer cyflwyno sylwadau llafar yn ôl disgrisiwn Ofcom. Bydd Ofcom yn ysgrifennu at y darlledwr cyn y dyddiad ar gyfer gwrrnado'r sylwadau, i nodi beth fydd y weithdrefn.

Penderfynu

1.27 Ar ôl ystyried sylwadau ysgrifenedig a/neu lafar gan y darlledwr, gall Ofcom benderfynu nad yw sanctsiwn yn briodol mewn achos penodol. Pan fydd hyn yn digwydd, bydd y darlledwr yn cael hysbysiad i'r perwyl hwn.

Penderfyniad ynghylch sanctsiynau

1.28 Ar ôl ystyried yr holl dystiolaeth a sylwadau gan y darlledwr, os bydd Ofcom yn credu bod sanctsiwn yn briodol, bydd yn ystyried pa un o'r sanctsiynau sydd ar gael sy'n briodol a bydd yn dod i benderfyniad i'r perwyl hwn. Pan fydd Ofcom yn penderfynu y dylai'r sanctsiwn priodol gynnwys cosb ariannol bydd, fel sy'n briodol, yn ystyried

³⁰ Caiff Ofcom ddal deunyddiau yn ôl os yw'n credu eu bod yn gyfrinachol, yn sensitif i'r farchnad neu â baint cyfreithiol, neu eu bod dan unrhyw ddyletswyddau cyfreithiol eraill i'w diogelu rhag eu datgelu. Mewn achosion o'r fath, bydd y darlledwr yn cael gwybod bod deunyddiau perthnasol wedi cael eu dal yn ôl, ac yn cael y rhesymau dros hynny.

Canllawiau Cosbau Ofcom a gyhoeddwyd yn <http://www.ofcom.org.uk/about/policies-and-guidelines/penalty-guidelines/>.

Dirymu trwydded

- 1.29 Mewn achosion pan fydd y darlledwr yn dal trwydded gan Ofcom ac mae Ofcom o'r farn mai'r sancsiwn y dylid ei roi ydy dirymu'r drwydded, bydd yn dilyn y darpariaethau statudol sy'n llywodraethu dirymu'r drwydded honno³¹. Yn y rhan fwyaf o achosion, bydd hyn yn mynnu bod Ofcom yn cyflwyno hysbysiad yn dynodi y bydd y drwydded yn cael ei dirymu os na chymerir y camau a nodir yn yr hysbysiad. Ar ddiwedd y cyfnod a bennir yn yr hysbysiad, os nad yw Ofcom yn fodlon bod y camau a nodwyd wedi cael eu cymryd a bod angen, er budd y cyhoedd, dirymu'r drwydded, bydd yn cyflwyno hysbysiad yn dirymu'r drwydded³². Daw'r hysbysiad yn dirymu'r drwydded i rym pan gaiff ei gyflwyno i ddeilydd y drwydded.
- 1.30 Pan nad oes dim gweithdrefn statudol wedi'i rhagnodi ar gyfer dirymu trwydded, er enghraifft, pan na chredir bod unigolyn mwyach yn "addas ac yn briodol" i ddal trwydded, bydd Ofcom yn dilyn gweithdrefn debyg a fydd yn rhoi cyfle i'r sawl sy'n dal y drwydded gyflwyno sylwadau ar gynnig Ofcom i ddirymu'r drwydded. Yn amodol ar frys y sefyllfa, gall y cyfnod ar gyfer cyflwyno sylwadau fod yn fyr iawn, ychydig o oriau o bosibl.

Cyhoeddi Penderfyniad Sancsiwn

- 1.31 Bydd Penderfyniad Sancsiwn, gyda datganiad am y rhesymau, yn cael ei anfon i'r darlledwr, er gwybodaeth yn unig, un diwrnod gwaith cyn ei gyhoeddi.
- 1.32 Bydd Ofcom wedyn yn symud ymlaen i gyhoeddi ei benderfyniad ar ei wefan. Fel rheol bydd crynodeb o'r Penderfyniad ynghylch Sancsiwn yn cael ei gyhoeddi ym mwletin Broadcast and On Demand Ofcom yn <http://stakeholders.ofcom.org.uk/enforcement/broadcast-bulletins/>.

Peidio â Datgelu

- 1.33 Mae'n hanfodol i integriti prosesau Ofcom a'i allu i reoleiddio'n deg bod pob parti yn glynu wrth y rheolau a'r gweithdrefnau sydd wedi cael eu cyhoeddi gan Ofcom, gan gynnwys y rheini sy'n ymwneud â pheidio â datgelu isod³³.

Peidio â Datgelu

Mae Ofcom yn disgwyl i ddarlledwyr gadw'r holl wybodaeth, gohebiaeth a dogfennau sy'n ymwneud ag achosion sancsiynau yn gwbl gyfrinachol, oni bai eu bod eisoes ar gael i'r cyhoedd. Yn benodol, mae Ofcom yn disgwyl i ddarlledwyr gadw'n gwbl gyfrinachol unrhyw wybodaeth a roddir iddynt gan Ofcom fel rhan o'r broses

³¹ Gweler, er enghraifft, adrannau 42 ac 111 o Ddeddf 1990 ac adrannau 238 a 239 o Ddeddf 2003.

³² Bydd yr union weithdrefn byddwn yn ei dilyn yn dibynnu ar y darpariaethau statudol perthnasol. Er enghraifft, gall y darpariaethau olygu bod deilydd trwydded yn cael ail gyfle i gyflwyno sylwadau, cyn cyflwyno hysbysiad o ddirymu.

³³ Mae'n rhaid i Ofcom gyflawni dyletswyddau statudol amrywiol sy'n ymwneud â datgelu gwybodaeth (er enghraifft, dan Ddeddf Rhyddid Gwybodaeth 2000 a Rheoliadau Gwybodaeth Amgylcheddol 2004). Efallai y bydd yn rhaid i Ofcom ddatgelu gwybodaeth a roddir iddo er mwyn cyflawni dyletswyddau o'r fath.

sancsiynau, gan gynnwys unrhyw arwydd/penderfyniad dros dro ynghylch lefel a math unrhyw sancsiwn y gellir ei roi³⁴.

Nid yw hyn yn cyfyngu ar yr hyn y gall Ofcom ei gyhoeddi yn ei benderfyniad ar ddiwedd yr ymchwiliad.

Cyfyngiadau amser

- 1.34 Dylai darlledwyr gofio'r cyfyngiadau amser a bennir yn y Gweithdrefnau hyn. Serch hynny, efallai fod Ofcom yn credu (er budd tegwch a/neu er mwyn gwneud penderfyniadau sy'n ymwneud â sancsiynau) ei bod yn briodol diwygio neu addasu'r cyfyngiadau amser mewn achos penodol. Dylai unrhyw ddarlledwr y mae eisiau rhagor o amser arno roi esboniad ysgrifenedig i Ofcom ynghylch pam ei fod yn credu y dylid ymestyn y terfyn amser perthnasol.

³⁴ Caiff Ofcom ddal deunyddiau yn ôl os yw'n credu eu bod yn gyfrinachol, yn sensitif i'r farchnad neu â baint gyfreithiol, neu eu bod dan unrhyw ddyletswyddau cyfreithiol eraill i'w diogelu rhag eu datgelu. Mewn achosion o'r fath, bydd y darlledwr yn cael gwybod bod deunyddiau perthnasol wedi cael eu dal yn ôl, ac yn cael y rhesymau dros hynny.